

佛說聖六字大明王陀羅尼經

宋西天譯經三藏朝散大夫試鴻臚少卿傳教大師施護奉詔譯

如是我聞一時世尊在舍衛國祇樹給孤獨園爾時世尊告尊者阿難言阿難汝當諦聽我有六字大明王陀羅尼乃是過去無量諸佛爲諸大士之所宣說阿難我今復爲汝等及末世有情宣說是陀羅尼當使有情於未來世得此陀羅尼者而得大利爾時阿難及娑婆世界主大梵天王帝釋四天大王等白世尊言世尊大慈大悲願爲宣說當令我等及末世有情於長夜中得利益安樂爾時世尊即說六字大明王陀羅尼曰

怛你也合二合他一引難底隸二引摩度摩底三引曼拏哩引計四引布哩引曩祢計引娑嚩訶二合賀引五

爾時佛告阿難言若有衆生得聞此大明王

陀羅尼章句名字信心受持憶念讀誦及以香花種種供養者是人所有王怖水火等怖乃至盜賊怨家之怖如是諸怖悉皆解脫又復毒藥乃至刀兵亦不能傷害又復天人非人夜叉羅刹俱畔拏乃至羯吒布單曩等所持所魅亦不能侵害又復瘡病一日二日三日四日或復多日或復須臾又復頭痛耳痛背痛腹痛乃至水腫諸惡病苦皆不能侵害於其晝夜常獲安隱一切所求皆得如願爾時世尊又說陀羅尼曰

怛你也合二合他一引阿拏哩二引波拏哩三引那彌引那摩你四引嚩迦細引俱酥計六引句引迦切計七引部多誡囉二合帝濟引嚩底九引野舍嚩底娑嚩訶二合賀引十

佛告阿難若有衆生得聞是陀羅尼者我不

見有一切天龍夜叉羅刹畢哩多毗舍遮部  
多俱畔拏布單曩羯吒布單曩乃至人非人  
等一切行不饒益者敢有違逆阿難如是等  
行不饒益者若有違逆我如是陀羅尼者當  
頭破七分如阿梨樹枝爾時世尊復告阿難  
言如是陀羅尼功德力勢無量無邊利益衆  
生無有窮盡汝當受持廣令流布於後後世  
勿令斷絕佛說是經已阿難及大梵天王天  
帝釋四天大王等聞佛所說歡喜信受禮佛  
而退

佛說聖六字大明王陀羅尼經

今一

十三